



Os/as clientes/as de R poden gozar xa da tecnoloxía 5G con calquera tarifa contratada

- *Xa son 140 os concellos de Galicia onde o operador galego proporciona cobertura 5G, a tecnoloxía que multiplica por 10 a velocidade dos datos, reduce a latencia ao mínimo e permite xestionar unha cantidade inxente de información.*
- *Os/as clientes/as de móbilR disporán desta tecnoloxía avanzada de quinta xeración en zonas cubertas, independentemente da tarifa que teñan contratada co operador galego.*
- *O 57 % do territorio nacional dispón de cobertura 5G de R, co que moitos/as viaxeiros/as poderán gozala fóra de Galicia dende este mesmo verán en gran parte de España.*
- *As liñas particulares de R benefíciase xa dun servizo de móbil con cobertura mellorada ao incorporar unha solución que automaticamente selecciona en cada zona as antenas dispoñibles, cuxa cantidade aumentou en 2,5 veces en Galicia dende o ano pasado.*
- *Para beneficiarse das vantaxes do 5G é necesario dispor dun terminal que admita esta tecnoloxía, incorporada xa en moitos dos 'smartphones' que comercializa R (incluídas ofertas de 2x1 en tendas).*

Luns, 13 de xuño de 2022.- R, o operador líder na prestación de servizos de telecomunicacións en Galicia, puxo a disposición dos/as seus/súas clientes/as a **nova tecnoloxía móbil 5G**. Independentemente da tarifa que contraten, os/as usuarios/as poden xa gozar desta tecnoloxía co seu servizo **móbilR**, sempre que dispoñan dun terminal compatible con 5G.

Grazas á rede 5G, R ofrece servizos de telecomunicacións móbiles coa **última tecnoloxía dispoñible** para asegurarlles **a mellor experiencia aos/ás seus/súas clientes/as**.


Nestes momentos son xa **140 os concellos de Galicia** onde o operador galego proporciona cobertura 5G, que multiplica por 10 a velocidade do 4G, reduce ao mínimo a latencia (tempo de resposta da rede) e permite xestionar unha cantidade inxente de datos a gran velocidade.

R agarda que ao longo de 2023 se acade, en 5G, a mesma cobertura que hoxe existe en Galicia de 4G, para que a comunidade poida competir con calquera mercado ao máximo nivel e os fogares e empresas da comunidade dispoñan dos servizos de telecomunicacións máis avanzados do territorio.

Estes son os beneficios máis destacados que a tecnoloxía 5G lles vai ofrecer aos/ás seus/súas clientes/as:

- **Maior velocidade de navegación e de baixada**, para descargar películas e vídeos en tempo récord.
- **A mellor calidade de imaxe** en todos os servizos.
- Descarga e suba de arquivos a toda velocidade e accesos ás redes sociais nas **mellores condicións**.
- **Menor latencia**, con acceso case **inmediato ao navegador** e ás *apps*, aplicacións de vídeo, *gaming*, etc.
- **Máis persoas conectadas ao mesmo tempo**; ao dispor dunha maior velocidade gozarán da súa conexión sempre nas mellores condicións de calidade de servizo.
- Novos servizos: **realidade virtual** ou **aumentada** case en **tempo real**.

Ademais, o **57% do territorio nacional dispón de cobertura 5G co servizo do operador galego**, co que moitos/as viaxeiros/as clientes/as de **R** poderán gozar da nova tecnoloxía fóra de Galicia dende este mesmo verán en gran parte de España.



Galicia: cobertura mellorada e excelencia tecnolóxica

Todo iso é froito dos traballos realizados na infraestrutura do operador galego nos últimos meses, e da migración dos/as usuarios/as particulares a unha nova rede cunha cobertura sensiblemente mellorada. De feito, os/as clientes/as de **R** dispoñen dunha potente e reforzada **cobertura móbil a nivel nacional** para utilizar os seus servizos de voz e datos, pois xa teñen acceso á completa infraestrutura do Grupo MASMOVIL, que lles deu prioridade aos seus investimentos en Galicia, e poden beneficiarse tamén dos acordos para compartir redes con outros operadores.

Esta migración garante unha **conexión óptima** e lles permite aos/ás clientes/as dispor dun servizo de telefonía móbil de máxima calidade de xeito sinxelo, ao incorporar unha solución que automaticamente selecciona en cada zona as antenas dispoñibles, cuxa cantidade aumentou en 2,5 veces en Galicia dende o ano pasado.

Entre esas melloras do servizo renovado de móbil para particulares de **R**, unha das máis importantes é precisamente o acceso á **tecnoloxía de vangarda 5G** que, xunto a outros avances, está a converter Galicia nunha das rexións máis competitivas de Europa a nivel tecnolóxico.

5G, presente e futuro

Para gozar de todas as vantaxes do 5G é preciso dispor dun terminal compatible. E, como en toda evolución técnica, o alcance é progresivo: cada vez son máis os terminais que inclúen esta tecnoloxía, presente e futuro das telecomunicacións. En **R** hai neste momento interesantes ofertas (incluídas as de 2x1 en tendas **R**) para lles facilitar aos/ás clientes/as gozaren de todas as bondades vinculadas ao 5G canto antes. (<https://mundo-r.com/gl/particulares/ven-a-r/smartphones?pageSize=48&page=1>)

A implantación desta rede móbil de quinta xeración xa está a cambiar **o xeito en que nos comunicamos**, ao permitírnos xestionar unha cantidade inxente de datos e posibilitar, entre outras moitas cousas, que obxectos cotiáns, dende a neveira ata os automóviles, poidan conectarse (connosco e entre si) en tempo real.

A súa despregadura supón unha **auténtica revolución tecnolóxica** que, cando se estenda ao 100 por 100 -non só entre particulares, senón tamén nas empresas e a todos os niveis-, permitirá realizar, por exemplo, intervencións cirúrxicas teleasistidas, despregar novas frotas de vehículos autónomos ou coordinar traballos agrícolas a través de sensores en campos de cultivo.

comunicación R

prensa@mundo-r.net

R.gal

Municipios, por provincias, con 5G en Galicia

A CORUÑA: Abegondo, Ames, Ares, Arteixo, Arzúa, Bergondo, Betanzos, Boiro, Brión, Cabana de Bergantiños, Cabanas, Camariñas, Cambre, Carballo, Cariño, Carral, Cedeira, Cee, Coirós, Coristanco, A Coruña, Culleredo, Fene, Ferrol, A Laracha, Laxe, Malpica de Bergantiños, Mazaricos, Miño, Mugardos, Muros, Narón, Negreira, Noia, Oleiros, Ordes, Ortigueira, Outes, Padrón, A Pobra do Caramiñal, Ponteceso, Pontedeume, As Pontes de García Rodríguez, Porto do Son, Rianxo, Ribeira, Sada, San Sadurniño, Santiago de Compostela, Santiso, Teo, Valdoviño e Vedra.

LUGO: Barreiros, Begonte, Burela, Carballedo, Castro de Rei, Chantada, O Corgo, Cospeito, A Fonsagrada, Foz, Friol, Lugo, Meira, Mondoñedo, Monforte de Lemos, Palas de Rei, Paradela, A Pastoriza, Pedrafita do Cebreiro, A Pontenova, Portomarín, Ribadeo, Sarria, Sober, Vilalba e Viveiro.

OURENSE: Allariz, O Barco de Valdeorras, Os Blancos, Calvos de Randín, Carballeda de Valdeorras, O Carballiño, Celanova, Lobeira, Maside, Monterrei, Ourense, Piñor, Ribadavia, San Cibrao das Viñas, Toén, Verín, Vilamarín, Xinzo de Limia e Xunqueira de Ambía.

PONTEVEDRA: Arbo, Baiona, Barro, Bueu, Caldas de Reis, Cambados, Cangas, A Cañiza, Catoira, Crecente, A Estrada, Gondomar, O Grove, A Guarda, A Illa de Arousa, Lalín, Marín, Meaño, Meis, Moaña, Mos, As Neves, Oia, Poio, Ponte Caldelas, Pontearreas, Pontevedra, O Porriño, Ribadumia, O Rosal, Salceda de Caselas, Salvaterra de Miño, Sanxenxo, Silleda, Soutomaior, Tomiño, Vigo, Vila de Cruces, Vilaboa, Vilagarcía de Arousa e Vilanova de Arousa.